



Aqqalu C. Jerimiassen  
Atassut sinnerlugu Inatsisartuni ilaasortaq

### § 37 nr. 091-2020 apeqquteqaat pillugu akissut

Asasara Aqqalu C. Jerimiassen

26-06-2020  
Sags nr. 2020 - 10279  
Akt nr. 14029292

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

Naalakkersuisut apeqquteqaatinut qujapput. Malugineqarpoq kalaallisut aamma danskisut apeqqut 1 assigiinngissuteqartoq. Apeqqut kalaallisut apeqqutigineqarsimasoq akineqassaaq. Apeqqutit ataani uteqqinneqarlutillu akineqarput.

#### Naalakkersuisunut apeqquteqaatit:

#### 1. Meeqqat kigutaasa narlorsarneqartarnerannut Naalakkersuisut sinerissap sinneranut siammaanissamut siunissaq ungasinnersoq isingalugu pilersaaruteqarnerlutik?

Siunissami nuna tamakkerlugu kigutit suliarineqarnissaanut neqeroorutit, tassani ilaalluni kigutit narlorsartinnissaanut neqeroorutit, Naalakkersuisunit ataatsimut aalajangiunneqassapput. Maannakkuugallartoq Naalakkersuisut tassunga tunngatillugu suli aalajangiingillat. Naalakkersuisunit aalajangiisoqariarpat tamanna nalunaarutigineqarumaarpoq.

##### a) Aappiuppat, qanormita pilersaaruteqartoqarpa?

Apeqqut 1-imut akissut takuuk.

#### 2. Angajoqqaat namminneq maannamut akilerlugu Nuummut meeqqamik kigutaasa narlorsarneqarnissai pillugit angalasariaqartarnerannut Naalakkersuisut aqqiissuteqarfiginissaanut qanoq pilersaaruteqarpat?


Maannakkut kigutininik narlorsaaneq Kigutileriveqarfimmit neqeroorutaangilaq, taamaattumik sumiikkaluaraanniluunniit kigutit narlorsartinnissaanut neqeroorfigitittoqarsinnaangilaq.

#### 3. Sinerissamut kigutilerisoqarfioreersuni sooq suliaqarsinnaaneq sipaarniarfigineqarpa Naalakkersuisuniik suliarinnissinnaasut piffimmeereerpata?

Kigutininik narlorissaaneq kigutip nakorsaanit immikkut paasisimasalimmit (ortodonti) isumagineqartussaavoq sinerissamilu kigutip nakorsaanik immikkut paasisimasalimmik atorfeqartoqanngilaq. Kigutileriffiit kigutip nakorsaanik nalinginnaasunik inuttaqarput. Taamatuttaa q Danmark-imi kigutip nakorsaanik immikkut paasisimasallit annertuumik

amigaatigineqarput, taamaattumik aalajangersimasumik atorfinititsiniarneq  
ajornartorsiutaasinnaalluni.

Inussiarnersumik inuulluaqqusillunga  
Med venlig hilsen



Anna Wangenheim